

կամութեամբ ասեմ լռել, զի տեսի զնախառնինս նախորդին իմոյ: Եւ անտի գնացին առ խախամադլուխն Հրէից Ագրիանուպօլսոյ, որ 'ի նոյն աւուրս եկեալ էր յուստ յերուսաղէմ, զնա առաքեցին առ Նուրի իբրեւ միջնորդ, որ էր նախածանօթ նորին, եւ խոստացան տալ նմա 200 քսակ, միայն անփոյթ լինել 'ի գործն, որպէս Դատաւորն: Եւ նորա կշտամբեալ զբարեկամ իւր եհան արտաքս. զի առիթ լինէր անկանելոյ յաչաց Թագաւորին եւ աղարտելոյ պատուոյն եւ լինիլ պատժապարտ իսկ: Եւ մինչդեռ այսպէս իւրաքանչիւր ոք տագնապէր 'ի խորհուրդս իւր ոմն այսպէս եւ ոմն այնպէս. եհաս թղթարեբն 'ի Դամասկոսէ ('ի 12 Նոյեմբերի), եւ Քաղաքապետն կոչեալ ըզ-Թարգմանն Հայոց՝ յայտ արար նմա զգալուստ զօրաւոր հրովարտակին վասն Հայոց. նամականիք 'ի Դենպեաէն, 'ի Գայմագամ Բդեշխէն Կոստանդինուպօլսոյ առ Կուսապալն եւ 'ի նորին իսկ Գործակատարէ, յորս խստադոյնս պատուիրէին, 'ի հասանիլ հրովարտակին անթերի կատարել զամենայն գրեալսն. զի ցասուցեալ է Արքայի թէ զիւրդ մինչեւ ցայժմ հրաման նորին մնաց անկատար, կարծելով թէ դառնայ Արքայ 'ի բանից իւրոց:

Այսոքիկ գրեանք հասեալ 'ի Դամասկոս առ Տեղապահն եւ նորա մնացեալ զալստեան Բդեշխին, եւ աճապարեալ գրեաց հրաման առ Դատաւորն եւ առ Քաղաքապետն Երուսաղէմի՝ փութացուցեալ զնոսա 'ի գործ, զի մի այլ իմն մրրիկ յարիցէ 'ի կողմանէ Արքայի: Եւ նորա եկեալ պատմեաց զայս ամենայն Պատրիարքին եւ միաբանաց, եւ նոցա լցեալ անպատմելի ուրախութեամբ՝ փառս ետուն Աստուծոյ, օրհնեցին զԱրքայ եւ զերախտաւոր բարերարս ադգին. եւ 'ի ծանուցանելն զայս Նուրի էֆէնտեայ, ասէ՝ լուայ նախ քան զձեզ, եւ սպասեմ կոչման Դատաւորին, որ եւ հրաւիրեալ զնաց ուրախութեամբ՝ արկեալ զկապուտագոյն կոչիկն 'ի նշան աստիճանի սրատուոյն: Եւ գործեալ անտի պատմեաց Հայոց զզօրութիւն հրովարտակին. սմա միայն ասէ սպասէի համբերութեամբ, եւ ակն ունէի անպատճառ զալստեան նորին, որպէս ոմն 'ի մտերմաց իմոց ազդ արարեալ էր ինձ, այժմ ուրախութեամբ երթամ 'ի Բեթղէհէմ: